



唐詩紀事卷第二十二

任華

鄒象先

賈至

韋述

裴耀卿

解彥融

儲光羲

孫翊

梁知微

沈千運

魏萬

元結

張均

李嶷

萬齊融

宋鼎

崔頌

任華

雜言寄李白古來文章有能奔逸氣聳高格清人心神
驚人魂魄我聞當今今有李白大獵賦鴻猷文嗤長卿
笑子雲班張所作瑣細不入耳未知卿雲得在嗤笑限

登廬山觀瀑布海風吹不斷江月照還空余愛此兩句
登天台望渤海雲垂大鵬飛山壓巨鼇背斯言亦好在
至於他作多不拘常律振擺超騰既俊且逸或醉中操
紙或興來走筆手下忽然片雲飛眼前劃見孤峯出而
我有時白日忽欲睡覺之不覺歛然起攘臂任生知有
君君也知有任生未中間聞道在長安及余戾止君已
江東訪元丹邂逅不得見君面每常把酒向東望良久
見說往年在翰林曾中矛戟何森森新詩傳在宮人口
佳句不離明主心身騎天馬多意氣目送飛鴻對豪貴
承恩召入凡幾迴待詔歸來仍半醉權臣妬盛名群犬

多吠聲有勅放君却歸隱淪處高歌大笑出關去且向
東山爲外臣諸侯交迓馳朱輪白壁一雙買交者黃金
百鎰相知人平生傲岸其志不可測數十年爲客未嘗
一日低顏色八詠樓中坦腹眠五侯門下無心憶繁花
越臺上細柳吳宮側綠水青山知有君白雲明月偏相
識養高兼養閑可見不可攀莊周萬物外范蠡五湖間
又聞訪道滄海上丁令王喬時還往蓬萊經是曾到來
方丈豈唯方一丈伊余每欲乘興遠相尋江湖擁隔勞
寸心今朝忽遇東飛翼寄此一章表曾臆倘能報我一
片言但訪任華有人識

雜言寄杜拾遺云杜拾遺名甫第二才甚奇任生與君
別來已多時何嘗一日不相思杜拾遺知不知昨日有
人誦得數篇黃絹詞吾恠異竒特借問果然稱是杜二
之所為勢攫虎豹氣騰蛟螭滄海無風似鼓蕩華嶽平
地欲奔馳曹劉俯仰慙大敵沈謝逡巡稱小兒昔在帝
城中盛名君一箇諸人見所作無不心膽破卽官叢裡
作狂歌丞相閣中常醉卧前年皇帝歸長安承恩闊步
青雲端積翠扈遊花匝匝披香寓直月團欒英才特達
承天睠公卿無不相欽羨只緣汲黯好直言遂使安仁
却為掾如今避地錦城隅幕下英寮每日相就提玉壺

半醉起舞捋髭鬚乍低乍昂傍若無古人制禮但為防
俗士豈得為君設之乎而我不飛不鳴亦何以只待朝
廷有知己已曾讀却無限書拙詩一句兩句在人耳如
今看之總無益又不能崎嶇傍朝市且當事耕稼豈得
便徒爾南陽葛亮為朋友東山謝安作鄰里閑常把琴
弄悶即携罇起鶯啼二月三月時花發千山萬山裏此
中幽曠無人知火急將書憑驛使為報杜拾遺
高適贈任華云丈夫結交須結貧貧者結交交始親世
人不解結交者唯重黃金不重人黃金雖多有盡時結
交一成無竭期君不見管仲與鮑叔至今留名名不移

撫言載華告辭京君賈大夫書責其恃才傲物又與京兆杜中丞書責其始以文章見知而終不相顧上御史嚴大夫牋以為失在於倨闕在於恕欲其遇士誠於倨撫下洪以恕可以長守富貴與庾中丞書云公幸以文章見許以補衮相期公頃謂李太僕曰任子文詞可謂卓絕負寃已久何不奏與太僕亟然之公之相待何前緊而後慢耶華本野人常思漁釣尋當杖策歸乎舊山非有機心致斯扣擊但以今之後進皆屬望於公公其留意焉

鄒象先

象先尉臨渙蕭穎士自京邑無成東歸以象先同年生也作詩贈之來年蕭補正字象先寄書重述前事云六月度關雲三峯翫山翠爾時黃綬屈別後青雲致蕭蒼云桂枝常共擢茅茨冀同薦一命何阻修載馳各州縣壯圖悲歲月明代耻貧賤回首無津梁祗今二毛變

賈至

岳陽樓宴王員外貶長沙云極浦三春草高樓萬里心楚山晴靄碧湘水暮流深忽與朝中舊同為澤畔吟停盃試北望還欲淚沾襟待讌曲云雲陛褰衣裳丹墀覆綠楊隔簾粧掩映向帝

舞低昂鳴珮長廊靜開水廣殿涼懼餘劔履散同輦入
昭陽

馮昭儀當熊云白羽插彫弓蜺旌動朔風平明出金屋
虛輦上林中逐獸長廊靜呼鷹御苑空王孫莫諫獵賤
妾解當熊

早朝大明宮云銀燭薰天紫陌長禁城春色曉蒼蒼千
條弱柳垂青瑣百轉流鶯繞建章劔珮聲隨玉墀步衣
冠氣接御爐香共沐恩波鳳池裏終朝默默待君王

杜甫本
參同和

自蜀奉冊命往朔方途中作云胡羯亂中夏變輿或南

巡衣冠陷戎殺狼狽隨風塵幽公秉大節臨難不顧身

激昂白刃前濺血下沾巾尚書抱忠義歷險披荆榛危

從出劔門登巽岷江濱時望揖侍郎公才標縉紳亭亭

崑山玉皎皎無緇磷顧惟乏經濟杆牧陪從臣永願雪

會稽一劍清咸秦太皇時內禪神器付嗣孫新命集舊

邦至德被遠人捧冊自南服奉詔趨北軍覲謁心載馳

遠離難重陳策馬出蜀山畏途上緣雲飲啄叢箐間栖

息虎豹群嶇崎凌棧危惴惴慄心神峭壁上欽岑大江

下泫泫皇風扇八極異類懷深仁元克誘熟虜肘腕生

妖氛明主信英武威聲赫四鄰誓師自朔方旗幟何續

紛鐵騎照白日旄頭拂秋旻將來盪滄溟寧止蹴崑崙
古來有迎難否泰長相因夏康績禹績代祖復漢勲于
後各勤王驅馳拱紫宸豈惟太公望往昔逢周文誰謂
三傑才公業獨殊倫感此慰行邁無為歌苦辛帝傳位
至嘗讓
冊既進彙帝日先帝詰命乃父為之辭今茲命又
爾為之兩朝盛典出卿父子之手可謂繼美矣至字
幼鄰曾之子也肅宗時為中書舍人坐小法貶岳州司
馬在巴陵有詩寄朝中友人云江南春初草暮暮愁殺
江南獨愁客秦中楊柳也應新轉憶秦中相憶人萬里
鸚花不相見登高一望淚沾巾寶應初召復故官大曆
中位右散騎常侍卒

李白寄至詩云賈生西望憶京華湘浦南遷莫怨嗟聖
主恩深漢文帝憐君不遣到長沙

韋述

晚度伊水詩云悠悠涉伊水伊水清見石是時春向深
兩岸草如積迢遞望洲嶼逶迤亘津陌新樹落疎紅遙
原上新碧回首瞻洛陽遽有家山隔煙霧猶隔山風塵
已為客登涉多異趨往來見行役雲起早已昏鳥飛日
將夕光陰逝不借超然慕疇昔遠遊亦何為歸來存竹

帛

送張說上集賢學士應制云修文中禁啓改字令名加

唐詩紀事卷五十一
台坐徵人傑書坊應國華賦詩開廣宴賜酒酌流霞雲
散明金闕池開照玉沙掖垣留宿鳥溫樹落餘花謬此
天光及銜恩醉日斜

述純厚長者澹榮利任史官二十年典掌圖書餘四十
年天寶間爲國子司業充集賢學士祿山亂抱國史藏
南山臣賊賊平流渝州爲刺史薛舒所困不食死

裴耀卿

耀卿爲宣州刺史日張九齡經當塗界以詩寄之又
有江上使風詩寄耀卿云江路與天連風帆何淼然遙林
浪出沒孤舫鳥聯翩常自千鈞重深思萬事捐報恩非

狗祿還逐賈人船

耀卿和當塗詩云茂先寔王佐仲舉信時英氣親衝天
發人將下榻迎珪符肅有命江國遠徂征九派期方越
千鈞或可輕高帆出風迥孤嶼入雲平湍邁嗟于役離
憂空自情飭簪陪早歲接壤厠專城曠別心彌軫宏規
義轉傾徒然限饑渴况乃諷瑤瓊

再酬使風見示云茲地五湖隣艱哉萬里人驚飈翻是
託危浪亦相因宣室才華子金閨諷議臣承明有三入
去去速歸輪

解彥融

雁塔詩云崢嶸徹倒景刻峭俯無地勇進攀有緣即嶮
恐迷墜宵然喪五蘊蠢介懷萬類實際罔它尋波羅必
可致南山繚上苑耆樹連巖翠北斗臨帝城扶宮切大
清飡和禪日用味道懿天明綠野冷風淡紫微佳氣晶
馴禽演法要忍草藉經行本願從茲適方知物世輕此
詩開元八年清河傅巖題于雁塔

儲光羲

古意云秋風肅天地太行高崔巍猿狖清夜吟其聲一
何哀寂寥掩圭華夢寐遊蓬萊琪樹亭亭玉堂雲中
開洪崖吹蕭管素女飄飄來雨師既先後道路無纖埃
鄙哉楚襄王獨好雲陽臺又胚渾本無象末路多是非
達士志寥廓所在能忘機耕鑿時未至還山聊採薇虎
豹對我蹲鸞鷲傍我飛仙人空中來謂我勿復歸格澤
爲君駕雲霓爲君衣西遊崑崙墟可與世人違

王維待光羲不至詩云重門朝已啓起坐聽車聲要欲
聞清佩方將出戶迎晚鐘鳴上苑踈雨過春城了自不
相顧臨堂空復情

光羲兗州人登開元進士第又詔中書試文章歷監察
御史祿山亂陷焉賊平貶死

商璠云儲公詩格高調逸削盡常言趣遠情深挾風雅

之道得浩然之氣述華清宮詩云山開鴻濛色天轉招
搖星又遊茅山詩云山門入松柏天路涵空虛此例數
百句略見荆陽集不復廣播謝靈運公政論十五卷九
經分義疏二十卷言博理當實可謂經國之才

新豐道中作云西下長樂坂東入新豐道雨多車馬稀
道上生秋草太陽蔽臯陸莫知晚與早雲雷杳冥冥川
谷漫浩浩詔書植佳木二十八年有詔種果衆言桃李好自顧無

此容歸從漢陰老

洵舟詒潘少府云行子苦風潮維舟未能發宵分卷前
慢卧視清秋月四澤葭葦深中洲煙火絕蒼蒼水霧起

落落踈星沒所遇盡漁商興言多楚越其如念極浦又

以思明哲

時潘在後浦

常若千里餘况之異鄉別

田家即事云蒲葉日已長杏花日已滋老農要看此貴
不違天時迎晨起飯牛雙駕耕東菑蚯蚓土中出田鳥
隨我飛群合亂啄噪嗷嗷如道饑我心多惻隱顧此兩
傷悲撥食與田鳥日暮空筐歸親戚更相誚我心終不
移

田家雜興三首云春至鶴鷓鳴薄言向田野不能自力
作僮俛娶鄰女既念生子孫方思廣園圃閑時相顧笑
喜悅好禾黍夜夜登嘯臺南望洞庭渚百草被霜露秋

山響砧杵却羨故年時中情無所取一梧桐蔭我門薛
荔加網我屋迢迢兩夫婦朝出暮還宿稼穡既自種牛羊
還自牧日旰懶耕鋤登高望川陸空山足禽獸墟落多
喬木白馬誰家兒聯翩相馳逐二楚山有高士深國有
遺老築室既相鄰同田復同道糧糈常共飯兒孫日更
抱忘此耕耨勞愧彼風雨好螻蛄鳴空澤鷓鴣傷秋草
日夕寒風來衣裳苦不早

同王十三維偶然作四首云野老本貧賤冒暑鋤瓜田
一畦未及終樹下高枕眠荷篠者誰子皤皤來息肩不
復問鄉墟相見但依然腹中無一物高話羲皇年落日

臨層隅逍遙望晴川使婦提蠶筐呼兒傍魚船悠悠池
綠水去摘浦中蓮蓮花艷且羨使我不能還一仲夏日
中時草木看欲焦田家惜功力把鋤來東臯顧望浮雲
陰徃徃誤傷苗歸來悲困極兄嫂共相饒無錢可沽酒
何以解劬勞夜深星漢明庭宇虛寥寥高柳三五株可
以獨逍遙二浮雲在虛空隨風復卷舒我心方處順動
作何憂虞但言嬰世網不復得閑居迢遞別東國超遙
來西都見人乃恭敬曾不問賢愚雖若不能言中心亦
難誣故鄉滿親戚道遠情日踈偶欲陳此意復無南飛
鳥三北山種松柏南山種蒺藜出入雖同趣所向各有

宣孔丘貴仁義老氏好無爲我心若虛空此道將安施
暫過伊闕間腕腕三伏時高閣入雲中芙蓉滿清池要
自非我室還望南山陞

孫翊

張曲江在洪州有郡南山上別孫侍御詩云雲障天涯
盡川途海縣窮何言此地僻忽與故人同身負邦君弩
情紆御史聽王程我安駐離思逐秋風翊時以監察御
史奉使洪州酬云受命議封疆逢君牧豫章於焉審虞
芮復爾共舟航悵別秋陰盡懷歸客思長江皋枉離贈
持此慰他鄉

梁知微

知微自潭州入朝張說宴別於岳陽以詩送之云遠涖
長沙渚欣逢賈誼才江山疲應接風日復晴開又云月
餘偏地賞心盡故人杯其末云夢見長安陌朝宗實盛
哉知微奉別燕公詩云華容佳山水之子厭承明符竹
迂小郡江湖被德聲三年計吏入路指巴丘城鳧舟纔
結纜驕駕已相迎別離他鄉酒委曲故人情孤嶼早煙
薄長波晚氣清辛勤方遠騫勝賞屢難并迴瞻洞庭浦
日暮愁雲生燕公有送知微渡東海詩云今日此相送
明年此相待天上客星迴知君渡東海暨送入朝至洞

廔山又作云巴陵一望洞庭秋日見孤峯水上浮聞道
神仙不可接心隨湖水去悠悠蓋心存魏闕之意也
知微嗣聖初登進士第

沈千運

山中作詩云棲隱別無事所願早離塵不辭城邑遊禮
樂拘束人邇來歸山林庶事皆吾身何者為形骸誰是
智與仁寂寞了閑事然後知天真咳唾驚榮華迂俯相
屈伸如何巢與由天子不得臣

贈史修文云故人阻千里會面非別期握手於此地當
歡返成悲念離宛猶昨俄已經數暮疇昔皆少年別來
髮如絲不道舊姓名相逢知是誰曩遊盡塞翁與君仍
布衣豈曰無其才命理應有時前路漸欲少不覺生涕
洟

感懷弟妹詩云今日天氣暖東風杏花拆筋力又不如
慙嘆澗中石神仙杳難準中壽纔滿百近世多夭傷喜
見髮鬚白藜杖竹樹間宛宛舊行跡豈知園中主却是
園中客兄弟所存半空為亡者惜冥冥無再期哀哀望
松柏骨肉能幾人年老漸踈隔性情誰免此而我何不
易唯願得爾輩相看慰朝夕平生茲已矣此外盡非適
獲上言懷云聖澤優賢良草澤無遺匿人生各有志在

予胡不淑一生但區區五十無寸祿衰退當棄捐貧賤
遭時譴栖栖去人世迺蹟日窮逼不如守田園歲晏望
豐熟壯年失宜盡老大無筋力始愴前計非方貽後生
福兒童新學稽小女未能織顧此煩知己終日求衣食
元結篋中集序云風雅不作幾及千年近世作者更相
公襲拘限聲病喜尚形似且以流易爲辭不知喪於雅
正吳興沈千運獨挺於流俗之中強攘於已溺之後窮
老不惑五十餘年凡所爲文皆與時異故朋友後生稍
見師效能似類者有五六人於戲自沈公及二三子皆
以正直而無祿位皆以忠信而久貧賤皆以仁謙而至

喪亡兵興于今六歲已長遊者遺文散失方阻絕者不
見近作故編於篋中者凡二十二首云

王季友代人贈千運云相逢問姓名復存別來無子今
有孫山上雙峯長不改百姓唯有三家村村南東西車
馬道一宿通舟水浩浩河中磊磊十里石河上游游泥
種稻平坡古塚皆我拆滿田主人舊是客舉聲酸辛問
同年十人七人歸下泉分手如何更此地迴頭不去淚
潜然

張籍過千運舊居詩云汝比君子宅我来見頽墉亂離
子孫盡地屬隣里翁古木被丘墟蹊路不通舊井蔓

草合牛羊墜其中居辭天子書放意任禮躬一生不自
力家與逆旅同我如星辰餘生於繳瘡聾方將旌舊問
百歲不可封嗟其未積來已爲荒林叢時當無知者莫
能敦此風浩蕩意無覩我將安所從

魏萬

君抱碧海珠我懷藍田玉各稱希代寶萬里遙相燭長
卿慕蘭久子猷意已深平生風雅人暗合江海心去秋
忽乘興命駕來東土謫仙遊梁園愛子在鄒魯二處一
不見拂衣向江東五兩挂淮月扁舟隨海風南遊吳越
徧高揖二十石雲上天台山春逢翰林伯宣父敬項佗

林宗重黃生一長復一少相看如弟兄惕然意不盡更
逐西南去同舟入秦淮建業龍盤處楚歌醉吳酒借問
承恩初宮買長門賦天迎駟馬車才高世難容道廢可
推命安石重携妓子房空謝病金陵百萬戶六代帝王
都虎丘踞西江鍾山臨北湖湖山信爲美王屋人相待
應爲岐路多不知歲寒在君遊早晚還勿久風塵間此
別未遠別秋期到仙山右魏萬贈太白詩也

太白送萬還王屋序云王屋山人魏萬自嵩宋公吳相
訪數千里不遇乘興遊台越經永嘉觀謝公石門後於
廣陵相見美其愛文好古浪迹方外因述其行而贈以

詩云

萬後名顯上元初登第始見白於廣陵白曰爾後必著大名於天下無忘老天與明月奴因盡出其文命顯集之

元結

春陵行序云癸卯歲漫叟授道州刺史道州舊四萬餘戶經賊已來不滿四千太半不勝賦稅到官未五十日承諸使徵求符牒二百餘封皆曰失其限者罪至貶削於戲若悉應其命則州縣破亂刺史欲焉逃罪不應命又即獲罪戾必不免也吾將守官靜以安人待罪而已

此州是春陵故地故作春陵行以達下情詩曰軍國多所須切責在有司有司臨郡縣刑法競欲施供給豈不憂徵斂又可悲州小經亂亡遺人實困疲大鄉無十家大族命單羸朝食是草根暮食乃木皮出言氣欲絕意速行步遲追呼尚不忍况乃鞭撲之郵亭傳急符來往跡相追更無寬大恩但有追促期欲令嚮兒女言發恐亂隨悉使索其家而又無生資聽彼道路言悲傷誰復知去冬山賊來殺奪幾無遺所願見王官撫養以惠慈柰何重駢逐不使存活為安人天子命符節我所持州縣忽亂亡得罪復是誰逋緩違詔令蒙責固所宜前賢

重守分惡以禍福移亦云貴守官不愛能適時顧惟孱
弱者正直當不虧何人採國風吾欲獻此辭

賊退示官吏詩序云癸卯歲西原賊入道州殺掠幾盡
而去明年賊又攻永州破郡不犯此州邊鄙而退豈力
能制敵歟蓋蒙其傷憐而已諸使何爲忍苦徵歛故作
詩一篇以示官吏詩云昔年逢太平山林二十年泉源
在庭戶洞壑當門前井稅有常期日晏猶得眠忽然遭
世變數歲親戎旃今來典斯郡山夷又紛然城小賊不
屠人貧傷可憐是以陷鄰境此州獨見全使臣將王命
豈不如賊焉今彼徵歛者迫之如火煎誰能絕人命以

作時世賢思欲委符節引竿自刺舟將家就魚麥
山海邊

杜子美和元使君春陵行序云覽道州元使君春陵行
兼賊退後示官吏作二首志之曰當天子分憂之地效
漢官良吏之日今盜賊未息知民疾苦得結輩十數公
落落參錯天下爲邦伯萬物吐氣天下少安可待矣不
意復見比興體制微婉頓挫之詞感而有詩增諸卷軸
簡知我者不必寄元也詩曰遭亂髮盡白轉衰病相嬰
沉綿盜賊際狼狽江漢行歎時藥力薄爲客羸瘵成吾
人詩家秀博采世上名粲粲元道州前賢畏後生觀乎

春陵作歛見俊哲情復覽賊退篇結也實國禎賈誼昔
流劄匡衡常引經道州憂黎庶詞氣浩縱橫兩章對秋
月一字借華星致君唐虞際純朴憶大庭何時降重書
用爾爲丹青獄訟久衰息豈唯偃甲兵悽惻念誅求薄
歛近休明乃知正人意不苟飛長纓涼颺振南岳之子
寵若驚色阻金印大興含滄溟清我多長卿病日夕思
朝廷肺枯渴太甚漂泊公孫城呼兒具紙筆隱几臨軒
搢作詩呻吟內墨淡字欹傾感彼危苦詞庶幾知者聽
蘇源明薦結於肅宗時思明攻河陽帝將幸河東召結
請京師結上時議二篇乃攝監察御史發宛葉軍也
陽全十五城帝善之代宗時侍親歸樊上後拜道州刺
史民樂其教還京師卒始號猗玕子後稱浪士又曰漫
郎更曰聲叟

張均

九日巴丘登高云客心驚暮序賓鴈下襄州共賞重陽
節言尋戲馬游湖風愁代柳江雨暗山樓且酌東籬菊
聊祛南國憂

岳州西城云水國何遼曠風波遂極天西江三汜合南
浦二湖連危堞臨清境煩憂暫豁然九圍觀掌內萬像
閱眸前日去長沙浦山橫雲夢田汀葭變秋色津樹入

寒煙潛穴採靈詭浮山揖聖仙至人今不見迹滅事空傳

巴丘春作云日出洞庭水春山桂斷霞江渚相映發卉木共紛華湘戍南浮澗荆關北望賒湖陰窺魍魎丘勢辨巴蛇島戶巢爲館漁人艇作家自憐心問景三歲客長沙

岳州觀競渡云畫作飛鳧艇雙雙競拂流俄裝山色變急棹水華浮土尚三閭俗江傳二女遊齊歌迎孟姥蜀舞送陽侯鼓發南湖汎標爭西驛樓並驅常詫速非畏

日光道

俄裝字傳疑

岳州晚景云晚景寒鷗集秋聲海鴈歸水光浮日去雲彩映江飛洲白蘆花吐園紅柿葉稀長沙早濕地九月未成衣

送梁六自洞庭山作云巴陵一望洞庭秋日見孤峯水上浮聞道神仙不可接心隨湖水共悠悠

奉和燕公山城云郡館臨清賞開府坐白雲訟虛棠戶既觀靜竹簷曛懸榻迎賓下趨庭學禮聞風傳琴上意遙向日華紛

燕公岳州別均云離筵非讌喜別酒正消魂念汝猶童孺嗟予隔遠藩津亭拔心草江路斷腸猿他日將何見

愁來獨倚門

均丞相說之子也說最鍾愛其情見於岳州別均之作
說爲左相知官考均時任中書舍人特注之曰父教子
忠古之善訓祁奚舉子義不務私至於潤色王言彰施
帝載道參墳典例紀旂常恭聞前烈尤難其任豈以嫌
疑敢撓綱紀考上下均能文爲大理卿祿山盜國爲僞
中書令免死流合浦

流合浦嶺外作云瘴江西去火爲山炎徼南窮鬼作關
從此更投人境外生涯應在有無間

杜子美贈大常張卿云方丈三韓外崑崙萬國西建標

天地闊詣絕古今迷氣得神仙迥思承雨露低相門清

議重儒術大名齊軒冕羅天闕琳琅識介珪伶官詩必
誦夔樂典猶稽健筆凌鸚鵡銛鋒瑩鸚鵡友于皆挺拔

公望各端倪通籍踰青瑣亨衢照紫泥靈虬傳夕箭歸
馬散霜蹄能事聞重譯嘉謨及遠黎弼諧方一展班序

更何躋適越何顛躑遊梁竟恠悽謬知終畫虎微分是
醢雞萍泛無休日飛陰想舊蹊吹噓人所羨騰躍事仍

睽碧海真難涉青雲不可梯顧深慙鍛鍊才小辱提携

檻束哀猿叫林驚夜鵲棲幾時陪羽獵應指鈞璜蹊

此詩乃
贈張鈞

李嶷

淮南秋夜詩云天淨河漢高夜闌砧杵發清秋已如此
離恨應難歇風亂池上螢露光竹間月與君共遊處勿
作他鄉別

商璠云嶷詩鮮淨有規矩其少年行三章辭雖不多翩
翩然俠氣在目也少年行云十八羽林郎戎衣從漢王
臂鷹金殿側挾彈玉輿傍馳道春風起陪遊出建章一
侍獵長楊下承恩更射飛塵生馬影滅箭落鴈行稀薄
暮隨天仗聯翩入瑣闈二玉劍膝邊橫金盃馬上傾朝
遊茂陵道暮宿鳳凰城豪吏多猜忌無勞問姓名三

萬齊融

上巳綠潭篇云春潭泯泯接隋宮樓闕連延潭水東蘋
苔嫩色涵波綠桃李新花照底紅垂菱布藻暉如鏡嚴
日晴天相照映素影沉沉對蝶飛金沙礫礫窺魚泳佳
人袂襖賞韶年傾國傾城併可憐拾翠總來芳樹下翫
青爭遶綠潭邊公子王孫總遊翫沙場水曲情無歇禽
浮似挹羽觴杯鱗躍疑枝水心劍金鞭玉勒騁輕肥落
絮紅塵擁路飛淥水殘霞催席散盡樓初月待人歸
深肅作越州開元寺僧曇一碑銘云師與賀賓客知章
李北海邕褚諫議庭誨涇陽令萬齊融為儒釋之遊莫

送之友李華為潤州鶴林寺徑山大師碑銘云菩薩戒
弟子故吏部侍郎齊瀚故刑部尚書張均故潤州刺史
徐嶠故涇陽令萬齊融道流人望莫盛於此以二銘觀
之齊融蓋開元以來江南樂道之士也于休烈傳云與
會稽賀朝萬齊融延陵包融齊名齊融止於崑山今越
州人也

宋鼎

鼎明皇時刺襄州云張丞相九齡與余有孝廉校理之
舊又代余為荊州余改漢陽仍兼按使巡至荊州故贈
之詩曰漢上登飛幟荆南歷舊居已嘗臨砌橘更觀躍

池魚盛德繼微眇深衷能卷舒義申蓬閣際情坦廟堂
初郡挹文章美人懷燮理餘皇恩儻昭亮豈厭承明廬
九齡有酬宋使君詩云時來不自意宿昔謬樞衡翊聖
負明主妨賢媿友生罷歸猶右職待罪尚南荆政有留
棠舊風因繼組成高軒問疾苦蒸庶荷仁明衰廢時所
薄祇言僚故情

崔頌

張曲江在荊州有晨出郡舍林下詩云晨興步北林蕭
散一開襟復見林上月娟娟猶未沉片雲自孤遠叢篠
亦清深無事由來貴方知物外心時頌為郡司馬和云

唐詩紀事卷三十一
五
優閑表政清林薄賞秋成江上懸曉月往來虧復盈雲
天抗真意郡閣悔高名坐嘯應無欲寧辜濟物情

唐詩紀事卷第二十二

唐詩紀事卷第二十三

司馬退之

吳筠

蘇廣文

尉遲匡



王諲

陳希烈

高適

張彪

張子容

李之芳

附崔或

孟浩然

岑參

司馬退之

洗心詩云不踐名利道始覺塵土腥不味稻粱食始覺
神骨清羅浮奔走外日月無短明山瘦松亦勁鶴老飛
更輕逍遙此中客翠髮皆長生草木多枯色雞犬無新
聲君有出俗志不貪英雄名傲然脫冠紱改換人間情

去矣丹霄步向曉雲冥冥
退之道士

吳筠

筠字正節華陽人舉進士不第天寶初請隸道士籍玄宗命待詔翰林高力士善浮屠乃短筠於帝筠懇還嵩山大曆中死會稽剡中弟子私謚宗玄先生筠見惡於力士而斥故文章深詆釋氏所善孔巢父李白歌詩略相甲乙事潘師正學鍊養術天寶初遊會稽與李白隱剡中赴闕薦白俱待詔翰林覽古八首云聖人重開濟明道欲救時孔席不暇暖墨

突何嘗緇興言振頽綱將以有所維君臣恣淫惑風俗日凋衰三代業遽隕七雄遂交馳庶物墜塗炭區中若棼絲秦皇燎儒術方冊靡孑遺大漢歷五葉斯文復崇推乃驗經籍道與世同屯夷弛張固天意設教安能持其一棟宇代巢穴其来自三皇跡生固爲累經始增百王其二瑤臺既滅夏瓊室復頽商覆車世不悟秦氏興阿房繼踵迷反正漢家崇建章力役弊萬人瓌竒殫八方狗志仍未極促齡已云亡侈靡竟何在荆榛生廟堂其三吾觀采苓什復感青蠅詩讒佞亂忠孝古今同所悲姦邪起譖害骨肉相殘夷漢儲殯江克晉嗣滅驪姬天性猶可

聞君臣固其宜子胥烹吳鼎文種斷越鉞屈原沉湘流厥
戚感自貽何不若范蠡扁舟無還期其魯侯祈正術尼
父從棄捐漢主思英雄賈生被排遷始皇重韓子及觀
乃不然漢武喜相如既徵復忘賢貴遠世咸爾賤今理
共然方知古來士難以效當年其食其昔未偶落魄為
狂生一朝君臣契雄辯何縱橫運籌康漢業馮軾下齊
城既以智所達還為智所烹豈若終賤貧酣歌本無營
其晁錯抱遠策為君納良規削彼諸侯權永用得所宜
姦臣負舊隙乘釁謀相危世主竟不辯身戮宗自夷漢
景稱欽明濫罰猶如斯比干與龍逢殘害何足悲其

侯成大績賞厚位仍尊一朝對獄吏榮辱安可論蘇生
佩六印奕奕為殃原主父食五鼎昭昭成禍根李斯佐
二辟巨釁鍾其門霍孟翼三后伊戚及後昆天人忌盈
滿茲理固永存方知得意者何必乘朱轡滅景棲遠壑
絃歌對清樽二踈返海濱蔣詡歸園林蕭灑去物累此
謀誠足敦其聖人垂大訓奧義不苟設天道殃頑克神
明佑懿哲斯言猶影響安得復回穴鮫賸誕英睿唐虞
育昏孽盜跖何延期顏生乃短折魯隱全克讓禍機遂
潛結楚穆肆巨逆福柄奚赫烈田常弒其主祚國久罔
缺管仲存霸功世祀成詭說漢氏方版蕩群閹恣邪譎

寒寒陳蕃徒孜孜抗忠節誓期區宇靜爰使兇醜絕謀
協事靡從俄而返誅滅古來若茲類紛擾難盡列道遐
理微茫誰爲我昭晰吾將詢上帝寥廓詎躋徹已矣勿
用言忘懷庶自悅其八

蘇廣文

自商山宿陶令隱居云聞道桃源堪避秦尋幽數日不
逢人煙霞洞裏無雞犬風雨林中有鬼神黃公庭下三
芝秀陶令門前五柳春醉卧白雲閑入夢不知何物是
吾身

夜歸華川因寄幕府云山村寥落野人稀竹裏衡門掩
翠微溪路夜隨明月入亭臯春伴白雲歸稽康懶慢仍
耽酒范蠡逋逃又拂衣汀畔數鷗閑不起只應知我已
忘機

春日過田明府遇焦山人云陶公歸隱白雲溪買得春
泉溉藥畦夜靜林間風虎嘯月明花上露禽棲陳倉邑
吏驚烽火太白山人訝鼓鼙相見只言秦漢事武陵溪
裏草萋萋

尉遲匡

李林甫當開元末權等人主幽并人尉遲匡耿槩士也
以頻年不第投書林甫皆擊刺之說匡有暮行潼關之

唐詩紀事卷五
四
作云明月初出海黃河流上天又觀內外樓上踏歌曰
芙蓉初出水飛李忽無言又塞上曲云夜夜月爲青塚
鏡年年雪作黑山花林甫曰蕭穎士嘗忤吏部王尚書
幾至鞭撻子詩未及穎士吾復名異於王重欲相干三
思可矣匡知見怒惶怖趨出栖屑無依退歸林野

王諲

除夜云今歲今宵盡明年明日催寒隨一夜去春逐五
更來氣色空中改容顏暗裏回風光人不覺已著後園
梅

元夕觀燈云暫得金吾夜通看火樹春停車傍明月走
馬入紅塵妓雜歌偏勝場移舞更新應須盡記取說向
比來人

諲登開元進士第

陳希烈

奉和聖製三日詩云上已過龍駕中流泛羽觴酒因朝
太子詩爲樂賓王錦纜方舟渡瓊筵大樂張風搖垂楊
色花發異林香野老無公事朝臣飲歲芳皇情被群物
中外洽恩光

雲生棟梁閣云一片蒼梧意氛氲生棟梁下簾山足暗
開戶日添光偏使衣裘潤能令枕簟涼無心伴行雨何

必夢荆王

希烈宋州人工文章開元中褚無量元行冲卒希烈與
康子元進講禁中天寶中爲相國忠忌之即薦韋見素
代相罷爲太子太師失職無賴祿山盜京師遂相之肅
宗時賜死于家

高適

同顏六少府旅居秋中之作云人傳君祚悵然悲獨坐
深齋落木時逸氣舊來凌鷲雀高才何得混妍蚩迹勞
黃綬人多嘆心在青雲世莫知不是鬼神無正直從來
州縣有瑕疵

封丘作云我本漁樵孟諸野一生自是悠悠者乍可狂
歌草澤中寧堪作吏風塵下祇言小邑無所爲公門百
事皆有期拜迎官長心欲碎鞭撻黎庶令人悲悲來向
家問妻子舉家盡笑今如此生事應須南畝田世情付
與東流水夢想舊山安在哉爲銜君命日遲迴乃知梅
福徒爲爾轉憶陶潛歸去來

開元二十六年有從元戎出塞而還者作燕歌行以示
予適感征戍之事作燕歌行云漢家煙塵在東北漢將
辭家破殘賊男兒本自重橫行天子非常賜顏色撥金
伐鼓下榆關旌旆逶迤碣石間校尉羽書飛瀚海單于

獵火照狼山山川蕭條極邊土胡騎憑陵雜風雨戰士
軍前半死生美人帳下猶歌舞大漠窮秋草木腓孤城
落日鬪兵稀身當息遇常輕敵力盡關山未解圍鐵衣
遠戍辛勤久玉筋應啼別離後少婦城南欲斷腸征人
塞北空回首邊庭飄颻那可度絕域蒼茫何所有殺氣
三時作陣雲寒聲一夜傳刁斗相看白刃血紛紛死節
從來豈顧勳君不見沙場征戰苦至今猶憶李將軍

適字達夫滄州人客梁宋間舉有道科哥舒翰表爲西
河從事佐翰守潼關天子西幸適間道及帝河池遷侍
御史後代崔光遠爲西川節度使廣德中召還爲右散

騎常侍永奉初卒適以功名自許而言浮其術年五十
始爲詩即工以氣質自高每一篇出好事者輒傳布
商璠云適性落拓不拘小節耻預常科隱跡博徒才名
自遠然適詩多曾臆兼有氣骨故朝野通賞其文至如
燕歌行等篇甚多佳句且余所愛者未知肝膽向誰是
令人却憶平原君吟諷不厭矣

古大梁行云古城蒼莽多荆榛驅馬荒城愁殺人魏王
宮館盡禾黍信陵賓客隨灰塵憶昔雄都舊朝市軒車
照曜歌鍾起軍容帶甲三十萬國步連營一千里全盛
須臾那可論高臺曲池無復存遺墟但有狐狸窟古地

空餘草木根暮天搖落傷懷抱倚劔悲歌對秋草俠客
猶傳朱亥名行人尚識夷門道白壁黃金萬戶侯寶刀
駿馬填山丘年代淒涼不可問往來惟有水東流

行路難云君不見富家翁舊時貧賤誰比數一朝金多
結豪貴萬事勝人健如虎子孫成長滿眼前妻能管絃
妻歌舞自矜一身忽如此却笑旁人獨愁苦東鄰少年
安所如席門窮巷出無車有才不肯學干謁何用年年
空讀書

邯鄲少年行云邯鄲城南遊俠子自矜生長邯鄲裏千
場縱博家仍富幾處報讐身不死宅中歌笑日紛紛門
外車馬長如雲未知肝膽向誰是令人却憶平原君蒼
不見即今交態薄黃金用盡交還疎以茲感歎辭舊遊
更於時事無所求且與少年飲美酒往來射獵西山頭

張彪

北遊還酬孟雲卿云忽忽忘前事志願能相乖衣馬久
羸弊誰信文與才善道居貧賤絮服蒙塵埃行行無定
心塲坎難歸來慈母憂疾疹家室念拙哀與君宿姻親
深見中外懷俟余昔時節悵望臨高臺

古別離云別離無遠近事歎情亦悲不聞車輪聲後會
將何時去日忘寄書來日乖前期縱知明當返一息千

萬思

杜子美寄張十二山人彪詩云獨卧嵩陽客三違潁水
春艱難隨老母慘澹向時人謝氏登山屐陶公漉酒巾
群兇彌宇宙此物在風塵歷下辭姜被關西得孟鄰早
通交契密晚接道流新靜者心多妙先生藝絕倫草書
何太古詩興不無神曹植休前輩張芝更後身數篇吟
可老一字買堪貧讀子美詩則彪蓋潁洛間靜者天寶
末將母避亂故子美以詩寄云

彪雜詩云富貴多勝事貧賤無良圖上德兼濟心中才
不如愚商者多巧智農者爭膏腴儒生未遇時衣食
自如久與故交別他榮我窮居到門懶入門何況千里
餘君子有褊性矧乃尋常徒行行任天地無為強親踈
神仙云神仙可學無百歲名大約天地何蒼茫人間半
哀樂浮生亮多惑善事翻為惡爭先等驅逐中路苦瘦
弱長老思養壽後生笑寂寞五穀非長年四氣乃靈藥
列子何必待吾心滿寥廓

張子容

長安早春詩云開國維東井城池起北辰咸歌太平日
共樂建寅春雲靜青山樹冰開黑水濱草迎金埒馬花
伴玉樓人鴻漸看無數鶯聲聽欲頻何當桂枝擢歸及

柳條新

九日陪潤州邵使君登北固山云五馬向山椒重陽出
麗譙徐州帶綠水楚國在青霄張幕連江樹開筵接海
潮凌雲詞客語迴雪舞人嬌梅福慙仙友羊公賞下僚
新豐酒舊日美况是菊花朝

送孟浩然歸襄陽詩云冬月相逢地西亭送別津風濤

開解纜雪海去愁人鄉在桃林岸山連楓樹春因懷故

園意歸與孟家鄰

孟浩然送張子容赴進士舉詩云夕曛山照滅送客出
柴門惆悵野中別殷勤岐路言茂林余偃息喬木

翻無使谷風誚須令友道存

除夜樂城簡孟浩然云遠客襄陽郡來過海畔家罇開
栢葉酒燈發九枝花妙曲逢盧女高才得孟嘉東山行
樂意非是競繁華

浩然歲除夜樂城張少府宅云雲海訪甌閩風濤泊島
濱何知歲除夕得見故鄉新予是東梓客君為失路人
平生復能幾一別十餘春

巫山詩云巫嶺岩堯天際重佳期宿昔願相從朝雲暮
雨連天暗神女知來第幾峯

子容先天二年進士曾為樂城尉與孟浩然友善貶樂

唐詩紀事卷三十三
城尉日作云竄謫邊窮海川原近惡溪有時聞虎嘯
夜不猿啼地煖花常發崑高日易低故鄉可憶處遙指
斗牛西

李之芳 崔或

大曆中子美有夏夜李尚書筵送宇文石首赴縣聯句
云愛客尚書貴之官宅相賢子美酒香傾坐側帆影駐江
邊之芳翟表郎官瑞鳧看令宰仙或雨稀雲葉斷夜爇
花偏子美數語歌紗帽高文擲彩牋之芳興饒行處樂離惜
醉中眠或單父長多暇河陽實少年子美容居逢自出為
別幾悽然之芳宇文晁尚書之甥崔或司業之孫也

之芳太宗子蔣王惲之曾孫有令譽安祿山奏為范陽
司馬祿山反自拔歸京師廣德初使吐蕃被留二歲乃
歸拜禮部尚書改太子賓客薨子美哭之芳詩云江雨
銘旌濕湖風井迳秋又曰復魄昭丘遠歸魂素漣偏蓋
死于江湖也

孟浩然

孟浩然襄陽人也骨貌淑清風神散朗救患釋紛以立
義灌園藝行以全高交遊之中通脫傾蓋機警無匿學
不攻儒務擬菁華文不按古匠心獨妙五言詩天下稱
其盡善閑游祕省秋月新霽諸英聯詩次當浩然句曰

微雲淡河漢踈雨滴梧桐舉座嗟其清絕咸以之閣筆
不復為綴丞相范陽張九齡侍御史京兆王維尚書侍
郎河東裴肱范陽盧僎大理評事河東裴摠華陽太守
榮陽鄭倩之太守河東獨狐冊率與浩然為忘形交山
南採訪使太守昌黎韓朝宗謂浩然閎深詩律寘諸周
行必詠穆如之頌因入奏與偕行先揚于朝約日引謁
後期浩然曰業已飲矣身行樂耳遑恤其他遂畢飲不
赴由是聞罷浩然不之悔也其好學忘名如此王士源
他時嘗筆讀之曰導漾炳靈寔生楚英浩然清發亦自
其名開元二十八年王昌齡遊襄陽時浩然疾發背負

愈相得歡飲浩然宴譚食鮮疾動終于南國年五十有
二子儀甫浩然文不為仕每為詩佇興而作故或遲行
不為飭動求真適故似誕遊不為利期以放情故常貧
名不繫於選部聚不盈於甌石雖屢空不給自若也

王士源

傳曰張九齡為荊州辟置于府罷開元末病疽背卒後
樊澤為節度使時浩然墓碑壞符載以牋叩澤曰故處
士孟浩然文質傑美殞落歲久門裔陵遲丘隴頽沒永
懷若人行路慨然前公欲更築大墓闔州縉紳聞風竦
動而今外迫軍旅內勞賓客牽耗歲時或有未遑誠令

好事者乘而有之負公夙志矣澤乃更為刻碑鳳林山
南封寵其墓初王維過郢州畫浩然像于刺史亭因曰
浩然亭咸通中刺史鄭誠謂賢者不可斥其名更曰孟
亭

王維憶孟詩曰故人今不見日夕漢江流借問襄陽老
江山空蔡州

皮日休孟亭記云明皇世章句之風大得建安體論者
推李翰林杜工部為尤介其間能不愧者惟吾鄉之孟
先生也先生之作遇景入詠不鈎竒抉異令齷齪東人
口者涵涵然有干霄之興若公輸氏當巧而不巧者也

北齊美蕭愨芙蓉露下落楊柳月中疎先生則有微雲
澹河漢疎雨滴梧桐樂府美王融日霽沙嶼明風動甘
泉燭先生則有氣蒸雲夢澤波動岳陽城謝朓之詩句
精者有露濕寒塘草月暎清淮流先生則有荷風送香
氣竹露滴清響此與古人爭勝於毫釐也

明皇以張說之薦召浩然令誦所作乃誦北闕休上書
南山歸弊廬不才明主棄多病故人疎白髮催年老青
陽逼歲除永懷愁不寐松月夜窗虛帝曰卿不求朕豈
朕棄卿何不云氣蒸雲夢澤波動岳陽城

商璠云余嘗謂禰衡不遇趙壹無祿其過在人及觀襄

唐詩紀事卷三十三
陽孟浩然磬折謙退才名日高天下籍甚竟淪落明代
終於布衣悲夫子方知命矣且浩然詩文華采莘莘經
縷綿密半好雅調全削凡體如至衆山遙對酒孤嶼共
題詩無論興象復兼故實又波動岳陽城亦爲高唱也
建德江宿云移舟泊煙渚日暮客愁新野曠天低樹江
清月近人

裴司士見尋云府寮能枉顧家醞復新開落日池上酌
清風松下來厨人具雜黍稚子摘揚梅誰道山公醉猶
能騎馬迴

早寒江上有懷云木落鴈初度北風江上寒我家江水

上遙隔楚雲端鄉淚客中盡孤帆天際看迷津欲有問
平海夕漫漫

永嘉象浦館逢張子容云逆旅相逢處江村日暮時衆
山遙對酒孤嶼共題詩解字鄰鮫室人煙接島夷鄉關
萬餘里失路一相悲

湖上作云八月湖水平含虛混太清氣蒸雲夢澤波動
岳陽城欲濟無舟楫端居耻聖明徒憐垂釣叟空有羨
魚情

峴山作云石潭傍隈隩沙撈曉黃綠試垂竹竿釣果得
查頭鱖

又冬至過友人云烏泊隨陽鴈魚藏縮項鱸故杜子美
憶襄陽云吾友襄陽孟浩然新詩句句盡堪傳至今者
舊無他語謾釣查頭縮項鱸

題鹿門山云清曉因興來乘流越江峴沙禽近方識浦
樹遙莫辨漸到鹿門山山明翠微淺崑潭多屈曲舟楫
屢回轉昔聞龐德公採藥遂不返金澗餌芝朮石牀卧
苔蘚紛吾感者舊結纜事攀踐隱迹今尚存高風邈已
遠白雲何時去丹桂空偃蹇探討意未窮迴艇夕陽晚
張祐題浩然宅云高才何必貴下位不妨賢孟簡雖持
節襄陽屬浩然

岑參

送王大昌齡赴江寧詩云對酒寂不語悵然悲一作送

君明時未得用未字一作不白首徒攻文澤國從一官滄波

幾千里群公滿闕下獨去過淮水舊家富春渚嘗憶卧
江樓自聞君欲行頻望南徐州窮巷獨閉門寒燈靜深
屋北風吹微雪抱被肯同宿君行到京口正是桃花時
舟中饒孤興湖上多新詩潛虬且深蟠黃鶴一作飛未
晚惜君青雲器努力加飧飯

奉送李太保兼御史大夫充渭北節度使即太尉光弼
之弟也詩云詔出未央宮登壇近總戎上公周太保副

相漢司空弓抱關西月旗飛渭北風弟兄皆許國天地
荷成功

宿華陰東郭客舍憶閻防詩云次舍山郭近解鞍鳴鐘
時主人炊新粒行子充夜饑關月生首陽照見華陰祠
蒼茫秋山晦蕭瑟寒松悲夕從園廬別遂與朋知辭一作
相舊壑蘭杜晚歸軒今已遲

春夢詩云洞庭

一作

昨夜春風起故人上隔

一作

湘

江水枕上片時春夢中行盡江南數千里

參南陽人文本之後登天寶進士第累為安西關西節
度判官入為司功二外郎虞庫二正郎出為嘉州刺史

副元帥杜鴻漸表公無侍御史列於幕府使罷寓于蜀
中原多故卒死於蜀

商璠云參詩語奇體峻意亦新遠至如長風吹白茅野
火燒枯桑可謂逸矣又山風吹空林颯颯如有人頗稱
幽致也

暮秋山行云疲馬卧長坡夕陽下通津山風吹長林颯
颯如有人蒼旻霽涼雨石路無飛塵千念集暮節萬籟
悲蕭辰鷓鴣昨夜鳴蕙草色已陳况在遠行客自然多
苦辛

至大梁却寄康城主人云一從棄漁釣十載干明王無

由謁天階却欲歸滄浪仲秋至東郡遂見天兩霜昨夜
夢故山芳蕙色已黃平明辭鐵丘薄暮遊大梁仲秋蕭
條景按刺飛鷲鶴四郊陰氣閉萬里無晶光長風吹白
茅野火燒枯桑故人南燕吏籍籍名更香聊以玉壺贈
置之君子堂

衛尚書赤驃馬歌云君家赤驃盡不得一團旋風桃花
色紅纓紫鞵珊瑚鞭玉鞍錦韉黃金勒請君鞞出看君
騎尾長窄地如紅絲自矜諸馬皆不及却憶百金新買
時香街紫陌鳳城內行人見者誰不愛揚鞭驟急白汗
流弄影行驕碧蹄碎紫髯胡雛金剪刀平明剪出三駿

高檉上看時獨意氣衆中牽出偏雄豪騎將獵向南山
口城南狐兔不復有草頭一點疾如飛却使蒼鷹翻向
後憶昨看君朝未央鳴珂擁蓋滿路香始知邊將真富
貴可憐人馬相輝光男兒意氣得如此駿馬長鳴北風
起待君東去掃胡塵爲君一日行千里

北庭北樓呈幕中諸公云嘗讀西域傳漢家得輪臺古
塞千年空陰山獨崔嵬二庭近西海六月秋風來日暮
上北樓殺氣疑不開大荒無鳥飛但見白龍堆舊國秋
天未歸心日悠哉上將新破胡西郊絕煙埃邊城寂無
事撫劔空徘徊幸得趨幕中託身廁群才早知安邊計

未盡平生懷

玉門關蓋將軍歌云蓋將軍真丈夫行年三十執金吾
身長七尺頗有鬚玉門關城迥且孤黃沙萬里百草枯
南隣穴戎北接胡將軍到來備不虞五千甲士膽力粗
軍中無事但歡娛煖屋繡簾紅地爐織成壁衣花攏榆
燈前侍婢瀉玉壺金鐙亂點野駝酥紫綬金章左右趨
問着即是蒼頭奴美人一雙閑且都朱唇翠眉映月眸
清歌一曲世所無今日喜聞鳳將鷓可憐絕勝秦羅敷
使君五四四謾踟野草繡窠紫羅襦紅牙鏤馬對樗蒲
玉盤纖手撒作盧衆中誇道不曾輸漉上昂昂皆駿駒

桃花叱撥價最殊騎將獵向城南隅臘日射殺千年狐
我來塞外安邊儲為君取醉酒刺酤醉爭酒盞相誼呼
却憶咸陽舊酒徒

武威送劉單判官赴西行營使呈高開府云熱海亘鐵
門火山赫金方白草磨天涯湖沙莽莽夫子佐戎幕
其鋒利如霜中歲學兵符不能守文章功業湏及時立
身有行藏男兒感忠義萬里忘越鄉孟夏邊候遲胡國
草未長馬疾過飛鳥天窮超夕陽都護新出師五月發
軍裝甲兵三百萬錯落黃金光揭旗拂崑崙伐鼓震蒲
昌太白引官軍天威臨大荒西望雲似蛇戎夷知喪亡

渾驅大宛馬繫取樓蘭王曾到交河城風土斷人腸塞
驛遠如點邊烽互相望赤亭多飄風鼓怒不可當有時
無人行沙石亂飄颺夜靜天蕭條鬼哭夾道傍地上多
髑髏皆是古戰場置酒高館夕邊城月蒼蒼軍中宰肥
牛堂上羅羽觴紅泪金燭盤嬌歌艷新粧望君仰青冥
短翮難可翔蒼然西郊道握手何慨慷

天山雪送蕭沼歸京云天山有雲常不開千峯萬嶺雪
崔嵬北風夜捲赤亭口一夜天山雪更厚能無漢月照
銀山復逐胡風過鐵關交河城邊飛鳥絕輪臺路上馬
蹄滑脛滑寒氛萬里凝闌干陰崖千丈冰將軍狐裘卧

不煖都護寶刀凍欲斷正是天山雪下時送君走馬歸
京師客中何以贈君別唯有青青松樹枝

走馬川行奉送出師西行云君不見走馬川行滄海邊
平沙莽莽黃入天輪臺九月風夜吼一川碎石大如斗
隨風滿地石亂走匈奴草黃馬正肥金山西見煙塵飛
漢家大將西出師將軍金甲夜不脫半夜軍行戈相撥
風頭如刀面如割馬毛帶雪汗氣蒸五花連錢旋作冰
幕中草檄硯水凝虜騎聞之應膽慄料知短兵不敢接
車師西門佇獻捷

輪臺歌奉送封大夫出師西征云輪臺城內夜吹角輪

唐詩集卷五
六
臺城北旄頭落羽書昨夜過梁黎單于已在金山西戍
樓西望煙塵黑漢兵屯在輪臺北上將擁旄西出征平
明吹笛大軍行四邊伐鼓雪海湧三軍大呼陰山動虜
塞兵氣連雲屯戰場白骨纏草根劒河風急雪片濶沙
口石凍馬蹄脫亞相勤王甚苦辛誓將報主靜邊塵古
來青史誰不見今見功名勝古人

白雪歌送武判官云北風卷地白草折胡天八月即飛
雪忽如一夜春風來千樹萬樹梨花開散入珠簾濕羅
幕狐裘不暖錦衾薄將軍勖弓不得握都護鐵衣冷難
著瀚海闌干尺冰愁雲黯澹萬里疑中軍置酒飲歸

客胡琴琵琶與羌笛紛紛暮雪下轅門風掣紅旗凍不
翻輪臺東門送君去去時雪滿天山路山回路轉不見
君雪上空留馬行處

田使君美人如蓮花舞北錠歌云美人舞如蓮花旋世
人有眼應未見高臺滿地鋪毬毬試舞一曲天下無此
曲胡人傳入漢諸客見之驚且嘆慢臉嬌娥纖復濃輕
羅金縷花葱籠回裙轉袖若飛雪左錠右錠生旋風琵琶
橫笛和未匝花門一作山頭黃雲合忽作出塞入塞
聲白草胡沙寒颯颯翻身入破如有神前見後見回回
新始知諸曲不可比採蓮落梅徒聒耳世人學舞祇是

舞姿態豈能得如此

參至德中任宣議郎試大理評事攝監察御史左拾遺
裴薦杜甫等嘗薦參識度清遠議論雅正佳名早立時
輩所仰可備獻替之官云

唐詩紀事卷第二十三

